



# Komunikado di Prensa

27 di yanüari 2022

## Lidewijde Ongering ta presidente nobo di e Kolegionan di supervishon finansiero

**Willemstad - Konseho di Minister di Reino i tambe Konseho di Minister di Hulanda, pa loke ta trata Hulanda Karibense, a nombra drs. Lidewijde Ongering komo presidente nobo di e tres Kolegionan di supervishon finansiero entrante 1 di febrüari 2023. Di e manera aki e ta sigui prof. dr. Raymond Gradus, kende tabata presidente di e Kolegionan for di 1 di yüli 2017.**

Djabièrnè 27 di yanüari 2023 a nombra señora Lidewijde Ongering presidente nobo di e tres Kolegionan di supervishon finansiero entrante 1 di febrüari 2023. E tin un trayectoria ekstense den un gran kantidat di departamentu na Den Haag, entre otro na esnan di Asuntunan Interno i Relashon den Reino, Infrastruktura i Maneho di Awa, i Asuntunan Ekonómiko i Klima. Den e delaster dos departamentonan aki el a ehersé e funshon di Sekretario General. Durante su karera den Ministerio di Salú Públiko, Bienestar i Deporte el a ehersé e funshon di Direktor di Asuntunan Finansiero i Ekonómiko.

Lidewijde Ongering: "Mi ta buska pa nos enfrentá huntu e retonan, ku por sierto pa un gran parti ta masha rekonosibel pa mi, for di un perspectiva konhunto. Cft ta supervisá e presupuestonan. Despues di algun aña finansieramente difísil, awor e enfoke ta riba rekuperashon i realisashon di un kresementu ekonómiko na un manera finansieramente responsabel i sostenibel. Den mi funshon nobo di presidente di Cft lo mi bai wak e asuntunan aki tambe di un manera masha serio."

E ta sigui Raymond Gradus, kende tabata Presidente di Kolegio di supervishon finansiero di Kòrsou i Sint Maarten, di Kolegio di supervishon finansiero di Aruba i di Kolegio di supervishon finansiero di Boneiru, Sint Eustatius i Saba durante mas di sinku aña i mei. Prof. Gradus ta mira atras riba un periodo intensivo i fruktífero di kooperashon ku e paisnan i ku e entidatnan públiko, ku a pasa den diferente reto grandi, manera e orkannan Irma i Maria i e pandemia di Covid-19. Raymond Gradus a hinka su reflekshonnan den forma di un buki i 31 di yanüari e lo presentá esaki na Vice-Presidente di Konseho di Estado, señor Thom de Graaf.

[Fin di e Komunikado di Prensa]

### **Teksto pa potret:**

Drs. Lidewijde Ongering ta sigui Raymond Gradus komo Presidente di Kolegio di supervishon finansiero di Kòrsou i Sint Maarten, di Kolegio di supervishon finansiero di Aruba i di Kolegio di supervishon finansiero di Boneiru, Sint Eustatius i Saba.

### **Nota pa redakshon – no pa publikashon**

#### Kontakto na Cft:

Sekretariado Kolegionan di supervishon finansiero

Telefòn +5999 461-9081 / +5999 461-9082 / +5999 461-9084

Email [info@cft.cw](mailto:info@cft.cw)

Website [www.cft.cw](http://www.cft.cw)

#### Persona di kontakto pa prensa:

Jefka Martina

Telefòn +5999 512-6861